


**ԴԻԱԲԵՏԻԿ ՌԵՏԻՆՈՊԱԹԻԱՅՈՎ ՀԻՎԱՆԴՆԵՐԻ
ՄՈՆԻԹՈՐԻՆԳԻ, ՍՔՐԻՆԻՆԳԻ ԵՎ ԲՈՒԺՄԱՆ ՍԽԵՄԱ**



Արհեստական բանականության միջոցով ակնահատակի նկարների պարզաբանումը հնարավորություն է տալիս անմիջապես ուղղորդելու բուժառուին ճիշտ բուժում կամ ավելի մանրակրկիտ մասնագիտական բուժզննում և բուժօգնություն ստանալուն, ինչպես նաև նշանակելու հերթական այց որոշակի ժամանակահատվածից հետո կրկին գննելու կամ ակնահատակը տեսանկարահանելու նպատակով: Դրա շնորհիվ բուժառուն տեղեկություն է ստանում իր վիճակի մասին մինչև հետազոտման վայրը լքելը:

Այսինքն՝ հիվանդին հստակ բացատրվում են իր հետագա քայլերը՝ այց բուժփիմնարկ սքրինինգի կամ ստացիոնար հետազոտման և/կամ բուժման նպատակով: Նախապես հարկ է ունենալ պայմանավորվածություն կլինիկաների հետ բուժառուին ճշգրիտ ուղեգրելու համար: Ուստի անհրաժեշտ է ճիշտ կազմակերպված թիմային աշխատանք. առաջին օղակում՝ դիաբետիկների սքրինինգի համար, երկրորդ օղակում՝ փորձառու տելեմեդիսինոլոգի ծառայության, երրորդ օղակում՝ տելեմեդիսինոլոգիական ծառայության համար, որտեղ վերլուծվում են հետազոտության արդյունքները:

Կարևոր է բուժառուին կարճ ժամանակում տալ հստակ տեղեկություն հաջորդ փուլի մասին: Դա խթանում է նրան ժամանակին դիմել անհրաժեշտ մասնագետին: